

**ՀՈՎՀԱՆՆԵՍ ԹՈՓՈԽՋԱՆ — Սիրիայի և Լիբանանի Հայկական գաղթօջախ-ների պատմություն (1841—1946), Երևան, ՀՍՍՀ ԳԱ հրատ., 1986, 369 էջ:**

Աշխատության մեջ շարադրված է Սիրիայի և Լիբանանի Հայկական գաղթօջախների ավելի քան մեկգարյա՝ 1841—1946 թթ., պատմությունը: Գրքի առաջին բաժնում լուսաբանված են 1841—1918 թթ. Սիրիայի և Լիբանանի Հայկական գաղթօջախների սոցիալ-տնտեսական կացու-թյունը, հայերի տեղաբաշխման, արհեստագործության, առևտրի, գյուղատնտեսության, մշակու-թյան կյանքի զարգացման, ազգային և սոցիալական ճնշման, Հայկական կոտորածներին վե-րաբերող հարցերը: Առանձնահատուկ ուշադրություն է նվիրվել աշխատավոր գյուղացիության ազատագրական ընդլզումներին, որոնց պսակը Մուսա յեռան հերոսամարտն է: Քննարկված են Վայ-արաբական հարաբերությունները, օսմանյան բռնակալության դեմ հայերի և արաբների հա-մատեղ պայքարի հարցերը: Գրքի երկրորդ բաժնում ընդգրկված են 1918—1943 թթ.՝ բախտորոշ իրադարձություններով հագեցած ժամանակահատվածի, առավել կարևոր խնդիրներ: Հայ գաղ-թականների ներհուր, որբահավաքը, հայերի թվաքանակը, հայ դեմոկրատական կազմակերպու-թյունների սաղմնավորումն ու զարգացումը, հայ և արաբ աշխատավորների, նշանավոր գործիչ-ների հակամիսպերիալիստական համատեղ պայքարը, նրանց կապերը Սովետական Հայաստանի հետ, հայրենադարձությունը: Գրքն ունի վերջաբան, ժանոթագրություններ, աղբյուրների ու դրա-կանության, անձնանունների ու տեղանունների ցանկեր:

Գրքի պատասխանատու խմբագիրն է Ա. Ն. Տեր-Ղեոնդյանը:

**«ՏԱՐԵԳԻՐՔ (1986), ՀԱՅ ԷՍԹԵՏԻԿԱԿԱՆ ՄՏՔԻ ՊԱՏՄՈՒԹՅՈՒՆՆԵՐ», Երևան, ՀՍՍՀ ԳԱ հրատ., 1986, 179 էջ:**

Տարեգրքում զետեղված են հինգ տեսական հոդվածներ, որտեղ խոսվում է էսթետիկական մտքի պատմության առարկայի և աղբյուրների, Հին Հունաստանի մտածողների և Մովսես Խորե-նացու տեսական ժառանգության մեջ դրսևորված գեղեցիկի և լույսի, լափի ու ներդաշնակության կատեգորիաների, հայ մտածող Հովհ. Սարկավափի գեղագիտական ձևմունքի, իս. էրզրումեցու և Պ. Աղաձյանի էսթետիկական հայացքների մասին:

Տարեգրքի մեջ կան Հրապարակումներ, Երիտասարդ փիլիսոփայի ամբիոն, Տարեգրքի հյու-րերը, Գրախոսություն բաժինները: Հոբելյանական տարեթվեր բաժինը նվիրված է Արշակ Աղամ-յանին և Ռաֆայել Սամսոնովին: Տարեգրքն ունի Տեղեկատու, Լրատու և տվյալներ հեղինակների մասին:

Գրքի գլխավոր խմբագիրն է ՀՍՍՀ ԳԱ ակադեմիկոս Գ. Ա. Բրուտյանը:

**ԱՆԱՀԻՏ ՎԱՐԴԱՆՅԱՆ — Հովհաննես Թումանյանի հերիաթները, Երևան, ՀՍՍՀ ԳԱ հրատ., 1986, 215 էջ:**

Աշխատության շորս գլուխներում լուսաբանված են Հովհ. Թումանյանի հետաքրքրությունը, սերը, պրպտումները, վերաբերմունքը ժողովրդական հերիաթների վերաբերյալ: Շրջանառության մեջ դրված 400 արխիվային նորահայտ նյութերի միջոցով բացահայտված է մեծ գրողի ստեղծա-գործական աշխատանքը ժողովրդական հերիաթների գեղարվեստական մշակման ասպարեզում: Հեղինակը քննարկում է նաև ժողովրդական հերիաթների լեզվական մշակույթի հարցերը: Գրքն ունի վերջաբան, սկզբնաղբյուրներ և տեսական գրականություն, Հովհ. Թումանյանի հերիաթների և անձնանունների ցանկ, համառոտագրություններ:

Գրքի պատասխանատու խմբագիրն է Պ. Հ. Հակոբյանը:

**ՌՈՊԵՐ ԿՅՈՒՂՈՆԿՅԱՆ — Հայ-պորտուգալական հարաբերություններ, Երևան, ՀՍՍՀ ԳԱ հրատ., 1986, 355 էջ:**

Աշխատության մեջ տեղ են գտել սփյուռքահայ հասարակական ճանաչված գործիչ, պատմա-րան և բանասեր Ռոպեր Կյուպենկյանի՝ 1970—1980 թթ. լույս ընծայած ութ աշխատությունները՝ հայ-պորտուգալական հարաբերությունների վերաբերյալ: Դրանք, տպագրված լինելով պորտուգալական լեզվով, հարուստ են հայ-պորտուգալական հարաբերությունների վերաբերյալ: Դրանք, տպագրված լինելով պորտուգալական լեզվով, հարուստ են հայ-պորտուգալական հարաբերությունների վերաբերյալ:

դալերեն, ֆրանսերեն և անգլերեն լեզուներով, մատչելի չէին սովետահայ մասնագետներին. հեղինակը թարգմանել է դրանք և տրամադրել Մաշտոցի անվան Մատենադարանին՝ հրատարակության համար: Եվրոպական սիզբնադրյալների, մատենագրական երկերի և դիվանական վավերագրերի հիման վրա լուսաբանված են հայ-պորտուգալական տնտեսական և մշակութային առնչությունները, Ռեբել-Արևմուտք քաղաքական հարաբերությունները, Մերձավոր արևելքում և Հնդկաստանում հայ վաճառականների ծավալած առևտրական գործունեությունը:

Գրքի պատասխանատու խմբագիրն է ՀՍՍՀ ԳԱ ակադեմիկոս Լ. Ս. Խաչիկյանը:

**ԿՈՉՄՈ ԿՈՉՄՈՅԱՆ — Հրազդան, Երևան, ՀՍՍՀ ԳԱ հրատ., 1986, 140 էջ:**

Աշխատության յոթ գլուխներում ներկայացված է Սովետական Հայաստանի քաղաքներից Դեկի՝ Հրազդանի, տարեգրությունը՝ սոցիալիստական շինարարության (1930—1940), Հայրենական մեծ պատերազմի տարիներին (1941—1945), նրա գյուղատնտեսությունը, արդյունաբերությունը, սովետների վերելքը, կառուցապատումը, մշակույթը, լուսավորությունը, առողջապահությունը, էտալատերազմյան տարիներին (1945—1980), բնակչության աճը, զբաղվածությունը, նյութական բարեկեցիկ վիճակը, աշխատանքային առօրյան:

Գրքի պատասխանատու խմբագիրներն են Գ. Ս. Գեղամյանը և Մ. Կ. Հարությունյանը:

**ՎԼԱԴԻՄԻՐ ՕՍԻՊՈՎ — Դպրոցը երեկ, այսօր, վաղը, Երևան, ՀՍՍՀ ԳԱ հրատ., 1986, 169 էջ:**

Աշխատության չորս գլուխներում, դպրոցական ռեֆորմի լույսի ներքո, վերլուծվել են սովետական կրթության համակարգի զարգացման հեռանկարները, որոնք ժամանակագրական առումով համընկնում են մեր երկրի՝ սոցիալիզմի բազմակողմանի և պլանային կատարելագործման փուլ մտնելուն, որի հետևանքով հասարակությունը կհասնի որակական նոր մակարդակի: Ցույց է տրվել, որ ռեֆորմի առաջնությունը ուղղությունը միջնակարգ կրթության պրոֆեսիոնալացումն է, որը տրամաբանորեն հանգեցնում է կրթության ողջ համակարգի կադմակերպական-բովանդակային վերակառուցման՝ առաջադրելով սոցիալ-մանկավարժական մի շարք խնդիրներ: Ուսումնասիրվել են արտադրության ու հանրակրթական դպրոցի, դպրոցի և պրոֆեսիոնալ-մանրանների փոխհարաբերությունները, ուսուցման և արտադրողական աշխատանքի կապը, աշխատանքային դաստիարակությունը, մասնագիտական կողմնորոշումը և այլն: Գիրքն ունի նաև ծանոթագրությունների բաժին:

Գրքի պատասխանատու խմբագիրն է Ա. Մ. Էկմալյանը: